

DATUA

Ibarretxeren kanpaina

Juan Jose Ibarretxe izango da EAJ-EA koalizioaren ardatz nagusia. Egunean bi ekitalditan parte hartuko du, beti ere bi alderdietako buruzagiak eta hautagaiak lagun dituela. Kanpaina hasierako jaia Gasteizko Mendizorroztan egin zuten bert. CiU, ERC eta BNGko hainbat ordezkari ere EAJ-EAren ekitaldietan parte hartuko dutela jakinarazi zuen atzo koalizioak, prentsa ohar baten bidez. BNGk, ordea, gezurtatu egin zuen atzo bertan, eta gonbidapenik jaso ere ez dutela egin ziurtatu zuten.

ESANAK

XABIER ARZALLUZ

(EBB Lehendakaria)

«Mayorrek ulertzera ematen du ETA amaitzeko gakoa Ertzaintza dela, eta hori ez du inork sinisten»

«Ezinezkoa iruditzen zait PPk eta PSEk bat egitea. Zalantza asko ditut, baina esaten dute bat egingo dutela»

JUAN JOSE IBARRETXE

(EAEko lehendakaria)

«Bakeak barkamena eskatzen du, egin den minaren aitortza; bizikidetza tolerantzia delako»

ARNALDO OTEGI

(EHko bozeramailea)

«Gernika bonbardatu zutenean babesik gabe harrapatu gintuzten, baina orain defentsak prest ditugu»

eta beraiek dioten egingo dutela», adierazi zuen.

PSOE egiten ari den politika ez du ulertzen Arzalluzek. Esan zuen sozialistak popularren «menpe» daudela, eta ohartarazi zien PPren asmoa dela PSE-EE ez haztea eta botoetan jaistea. Arzalluzek gogora ekarri zuen hiru urte barru hauteskundeak izango direla Espainian, eta PPk nahi duela PSE-EE azpian edukitzea.

Sozialistek popularren aldeko hautua egin duten arren, maiatzeko hauteskundeetan Eusko Jaurlaritzaren eratzeko PSE-EErekin hitz egingo duela aurreratu zuen Arzalluzek.



JOSU ETXEBARRIOSTE

EHko hautagaiak Eusko Gudariak abesten, atzo Ajangizaren egindako ekitaldian.

Mayor Orejaren «porrot historikoa» EHk eragingo duela dio Otegik

PPren aurrean «inor ez beldurtzeko» eskatu zuen, «herri hau bide onean doalako»

Joseba Arruti | AJANGIZ

Euskal Herritarrok taldeak Ajangiz (Bizkaia) abiatu zuen atzo arratsean maiatzaren 13ko bozetako bere kanpaina. Gernika-Lumotik oso gertu dagoen herri txiki horretan, foru hiriaren bonbaketa-aren 64. urtemuga —atzo bete zen— izan zuten gogoan EHko kideek.

Arnaldo Otegi EHko Gipuzkoako zerrendaburuak Ajangiz biltutako jarraitzaileei esan zenez, «1937an Condor legioa bidali ziguten [Gernikara] populazioa bonbardatu eta gure ume eta nagusiak erailtzeko, eta babesik gabe aurkitu gintuzten. Baina gauzak aldatu egin dira eta, orain, Mayor Oreja izeneko Führer ikastuna sumatzen dugun honetan, arrazoiz eta ukabil abertzale eta sozialistaz osatutako defentsak ditugu prest».

Bere berbetan, «Mayor Orejari eta espainiar faxistei atzera kontua hasi zaie, euren porrot politiko eta historikorako atzera kontua, eta ezker abertzalea izango da porrot hori eragingo duena». Hala, EHk Eusko Legebiltzar berriko «giltza» izango duela azpimarratu zuen Otegik, eta «bakea eta burujabetza» ekartzeko baliatuko duela erantsi.

«Ez gaituzte kikiltzen kikiltzaile profesionalek» esan

zuen EHko bozeramaileak, «Mayor Orejaren gisako txotxongilo batek herri hau amaituko duela sinestarazi nahi diguten horiek. Herri honetatik igaro izan dira bisigodoak, erromatarak, Condor legioa, Franco, Suarez, Felipe Gonzalez eta orain Aznar... eta hemen jarraitzen dugu, herri hau burujabetzan eta bakean erakitzen utz diezaguten eskatzen». Eta jarraitu zuen «horregatik esaten diegu euskaldunei ez beldurtzeko, herri hau bide onean doalako».

EHk bere burua bozetara «konplexurik eta menpekotasunik gabe» aurkeztu duela nabarmendu zuen Arnaldo Otegik: «Abertzaleak, independentistak eta ezkertiarak gara, eta horrela agertzen gara geure herriaren aurrean», esan zuen.

Zerrendakide presoak, gogoan

Otegik berba egin aurretik, Gernikako bonbaketan eta gaur egun arte «Euskal Herriaren alde» hildakoei omenaldia egin zitzaion, eta Araba eta Bizkaiko zerrendaburu Antton Morcillo eta Jone Goirizelaia mintzatu ziren labur.

Gainera, Ajangizko ekitaldian bildu ziren berrehun bat lagunek Bittor Goñi, Aiora Epelde eta Olatz Dañobeitia kartzelan dauden zerrendakideak gogoratu zituzten, txalo artean.



JOSU ETXEBARRIOSTE


AFIXA BERRIA. Kanpaina aurreko emakume haurdunari jarraiki, EHk ume baten aurpegia baliatuko du kanpaina zehar.



ALTZARIAK AUKERAN

1000 metroko erakusketa - Prezio harrigarriak
Punta-puntako markak %50ean: Altzari-trinko, Lastaira eta Lastaira-azpikoen aukera handia
Sofa eta Besaulkiak, Logelak, Aulkiak, Mahaiaik
Ehunka Altzairu %50ean
Mailatu txikiek eta gabekoak

LA CHIMENEA
altzariak



Osinalde poligonoa
Tel.: 943 37 09 66 - USURBIL